

Kodak  
LICENSED PRODUCT

© The Tiffen Company, 2000

KODAK Color Control Patches

Blue 1 2 3 4 5 6 7 8 9 10 11 12 13 14 15 16 17 18 19  
Cyan 2 3 4 5 6 7 8 9 10 11 12 13 14 15 16 17 18 19  
Green 3 4 5 6 7 8 9 10 11 12 13 14 15 16 17 18 19  
Yellow 4 5 6 7 8 9 10 11 12 13 14 15 16 17 18 19  
Red 5 6 7 8 9 10 11 12 13 14 15 16 17 18 19  
Magenta 6 7 8 9 10 11 12 13 14 15 16 17 18 19  
White 7 8 9 10 11 12 13 14 15 16 17 18 19  
3/Color 8 9 10 11 12 13 14 15 16 17 18 19  
Black 9 10 11 12 13 14 15 16 17 18 19

A 1 2 3 4 5 6 M 8 9 10 11 12 13 14 15 B 17 18 19

畿道巡回日記

第一篇

ル 4  
1175  
1



生田精著

畿田循巡日記

水竹書屋藏梓



今時

天下萬事萬物皆託始於地舉凡山川之夷險物產之盈虛民生之聚散皆與國之盛衰相因故善為國者莫善於治地如此其廣莫也萬事萬物之傳焉者如

此其紛繁也必非不出戶庭  
所能周知故善誌地者莫  
善於記游古人誌地之書以  
三墳九邱為最古書皆不  
傳者矣禹貢為山海經皆  
身所經歷叙述閱見之書

也於自東漢以迄詞章日盛  
山水方滋排日紀游之作自  
馬第伯封禪儀以下世慮  
數十家類皆模範山水雕  
鏤詞章誇邱壑之美窮觴  
詠之樂其尤雅者亦不過

流連舊墟考訂故蹟以供  
名流因實之賞玩耳有如  
李文公之來南錄孫文定之  
南竹記蓋不可多得也余來  
日本知日本士大夫喜游天性  
又好屬文故可見游記家多

於大都文人習氣無益於用  
頃者生田水竹以畿道三四  
日記見示書凡數萬言於所  
聞見能舉其大其敘事質  
而不俚其立論莊而不腐余  
乃不禁為之誦讀而三嘆

也日本之為國獨立大海中  
生田子所未至者獨三州耳  
於是跡蹤限於一隅方今輪  
船錢路縱橫交錯於五大  
部洲生田子苟無了何不裹  
數年之糧西窮島域南訪

占城支趾拉澳大利亞材而西  
泛舟過印度達表西裡波斯  
入歐羅巴中原徧歷俄德意  
法英諸大國然後越大西洋  
尋閩龍之所瀾土帛華威  
頓之所都復繞大平洋而

歸焉以其山川物產民俗  
於書必更有可觀生田子未  
老且有濟勝之具其亦有  
意於此乎嗟夫余倘能屏  
棄百事用游天下舍生田  
子其誰從哉

光緒六年冬十月  
南黃遵憲上履序



序

眞率

余少時辭親。西遊至長崎。歸而  
 東役。江戸上日光。再到長崎。復  
 來江戸。已兩宦於朝廷。奉命航  
 米國。後叨承之於左院。心院元  
 老院之間。在官之身。固不中裏  
 糧。為客。而所掌亦常在法制。不  
 復有行役之命也。生田君曩同

此處有極淡之印或文字，因模糊不清，難以辨識。

余在左院。當時遊跡所及。已遠過於余。而今又在司法省。以搜訪各地。慣例為任。官遊所到。淹留數日。居又老。問俗察風。暇則探山水名蹟。凡其為日。四百一十九。為里三千二百五十餘。為州六十七。而得輯錄慣例之書八十一卷。日記三卷。詩三百餘。

首。嗚呼。盛矣。余讀其紀行。誣文。恍如置身於其境。遊興勃。不。事復過也。蓋少時之遊。亦不。無所少得。然血氣廣。止覽都邑。名山。水。自快。而未能全收。遊之益也。四十年来。更更。多讀書。多胸中積。終愈多。而胸中。亦愈多。實。來之春。訪親戚於



甲斐。冬。月。又。得。官。暇。游。於。上。野。  
沿。途。採。訪。得。紀。行。各。一。卷。此。特。  
旬。日。之。游。耳。然。覺。其。得。益。倍。茲。  
前。日。及。閱。此。卷。見。君。得。益。之。多。  
且。大。則。余。心。蕩。不。能。禁。者。可。知。  
也。已。方。今。公。務。鞅。掌。以。志。此。事。  
不。知。何。日。得。遂。之。始。書。卷。首。以。  
返。之。云。

時

明治十三年之春三月下澣

十洲居士細川瀧



畿道巡迴日記序

後然會

男子生有四方之志者。是其人必卓然拔  
於流俗矣。然不有胸羅萬卷。筆掃千軍之  
才。則雖探江山之奇。極登臨之樂。而竟歸  
乎寂寞無傳爾。乃有志矣。有才矣。而其人  
或沈埋于車轍馬跡之際。或汨沒于簿書

案牘之間。無由以騁才思。發志氣。則亦何能有所表見于世哉。必也夙抱四方之志。而又勵志學問。琢磨文章。而又其身世遭遇。宦游四方。觀風詢俗。不廢筆硯者。其有文采爛然。發見于大著作之餘。而不朽者乎。余今於生田子精乎見之矣。子精少好

學。壯而遠游。中年逢世變。備閱憂患。世故人情。無不諳悉。維新之後。奉命巡迴畿道。數歲之間。跋涉三千里之山川。吟哦七十里之風月。所至召故老。詢風俗。舉凡民間休戚利害。縷記成編者。殆百冊矣。又以其暇作此日記。山川地形。俗尚物產。莫不殫

述時發于歌詠。或附以議論。其意在于崇  
忠厚獎節義。而其文辭自足名于世矣。抑  
余有所慨焉。子精之志與才。固有大異于  
流俗者。然自非職合其志。官當其才。亦不  
得成此好書也。昔者貝原益軒乞暇僑居  
京師。筑侯令著書以進焉。一部書以當一考

績。故其著書得六十部。二百七十餘卷。皆  
有益于世者也。嗚呼。今人之著書。或稿朝  
脫手。而刻夕告竣。徃々不足讀焉。雖其潦  
草可咎。而亦坐于勞生之無遑也。豈果無  
益軒其人哉。如子精此書者。有矣。謂筑侯  
之遇之優。今不可復見者。余未信之。

明治十四年七月下澣

敬字中村正直撰



自序其親於公事如畫史兼代和  
 余生於上野七歲移居石見十歲移居攝  
 津十三歲又移石見十五六歲稍知文字  
 每讀古人遊記之文反覆不釋手常誦讀  
 萬卷書行萬里路之語二十五歲周遊出  
 雲石見之間三十一歲周遊山城攝津伊  
 勢之間往江戸又周遊上野下野相摸之  
 間三十卯歲往京都三十五歲往周防三

十六歲。往出雲。因幡。安藝。備後。備前。三十  
七歲。往江戶。又往出雲。往味伯耆。因幡。美  
作之間。三回。三十八歲。移居美作。往備前  
因幡。三十九歲。往味。播磨。備前。津山城之間  
三四。往東京。四十歲。往味。美作。二回。卯十  
一歲。移居東京。四十五歲。遊上野。四十六  
歲。遊伊豆。要之。足跡之所及。不過二十七  
州。而往味。多帶。公事。或晝夜兼行。或通

覽一過。不遑問風俗。觀山川也。四十七歲。  
奉巡回地方之命。東西跋涉。為日凡四百  
二十日。為程凡三千三百里餘。除甲斐。飛  
騨。能登。隱岐。淡路。阿波。土佐之外。足跡遍  
及焉。其為事。就各州通邑。召里老。問故俗。  
淹留或三日。或五日。暇則游覽。近傍名勝。  
不啻悅心目。養身體。觀感之益。有勝十年  
讀書者。宿習采蓬之志。至是果寫所筆錄。

之故例。慣習。係官印。刑己希。班間。別記。客  
中所見。聞之事。作日記。附以禱詩。其所記  
述。皆係實歷。直寫胸臆。固非欲以文字傳  
於世者。亦但供他日。卧游之料耳。顧余雖  
老矣。聰明未衰。勝具猶健。他日幸得百餘  
日之間。經甲斐。飛驒。到能登。航隱岐。壹岐。  
遂及琉球。鼓沙土。佐阿波。淡路。記其勝槩。  
以為茲編別錄。其為樂何如也。明治十三

辛庚辰五月。退菴散人生田精。識於東京  
小石川水竹書屋東窓之下。

五峰居士高寬書



編者云篇中之評點文則驚津  
叢堂藤野海南  
中村敬字蒲生  
駁亭及清人黃  
遵憲諸翁也詩  
則大召枕山翁  
也字句改正多  
從其指教者不  
一一標其名者  
以皆師視之也

畿道巡田日記第一篇

明治十一年戊寅四月十日

武藏

生田精子精著

一月四日。辭家。抵新橋停車館。隨員伊藤江坂續至。買牌券。上瀛車。窓硝帶兩痕。四面無眺望。坐睡而過。抵橫濱。投本町津久井屋。沐浴喫飯。尚未點燈。覆衾而卧。是日。行程八里餘。

一月五日。有事赴縣廳。點燈後携旅擔。投太田町今村屋。居室清潔。稍覺快意。

一月六日。散步市街。人煙稀疎。頗覺商車蕭索。往昔橫濱之地。負山臨海。蕞爾掌大之一漁村也。安政中。

平氣風... 武藏... 生田精子精著... 東...



為開港場。闢汗萊。築埠頭。變為萬舶輻湊之地。戶數凡一萬八千餘云。居民皆四方流寓。以故無故例慣習之可記。

一月七日。大雨不出戶。作公私書牘。付郵便。

一月八日。發橫濱。雨餘路泥活活。沒車輪寸前尺退。

抵日野村。去年豪農某義舉。穿山腹。作數十間隧道。

變險為夷。變迂為直。行客之喜可知也。出隧道即相

摸之國。經山內。降小袋坂。抵鎌倉雪下。投三橋屋。人

情素朴。市聲蕭條。自覺心寬體胖。戶數凡千二百餘

云。是日。行程六里餘。

余亦二十年前宿此旅亭所見亦如此

筆錄是先生此行公事不厭屢書也

一月九日。召里老問訊故俗。筆錄成。付淨書。

一月十日。詣鶴岡八幡祠。觀寶什。守者說來由。絮絮

可厭。下壇。訪祠官函崎氏。觀古書畫。古器物。古貨幣。

主人愛客。淡泊可親。頗有歐陽氏集古之癖。日將傾

辭主人。迂路詣鎌倉宮。祠廟新築。洒掃甚清。松杉鬱

鬱。溪水潺潺。拜額土窟前。建武中興之昔。王抱雄志。

憤死。姦賊手。想見其縮頸嚙鋒之狀。令人毛立肌寒。

出祠門。暮色蒼然。往昔高樓大廈之趾。皆為麥田。只

留北條畠山等之名耳。歎不能已。蓋相摸之為地。東

方坂阜起伏。斗入海。對房總二州。為江戶灣之門。鑰

余亦曾拜土窟作詩。吊王想老。兄亦必有詩。

南方稍平行。諸水順下。地味肥沃。饒米穀魚介。風俗  
穩和云。

一月十一日。發雪下。抵大佛坂。日光徹地。霜融泥黏  
車不能進步。而踰抵藤澤。出東海道。道路平坦。車行  
甚便。西風大起。砂塵漠漠。目眩不能視。蒙毛布而過。  
薄暮抵小田原。投小伊勢屋。城市寂寞。無足觀者。戶  
數凡三千云。是日。行程十里餘。經驛三。曰藤澤。曰平  
塚。曰大磯。

一月十二日。召里老問訊故俗。筆錄成。付淨書。

一月十三日。午後發小田原。入山中。石徑凹凸。樹陰

寫景逼真

讀亦快適

蕭森空翠。襲人。抵湯本。投福住氏。石造層樓新成。輪  
奐可觀。解裝一浴。泉光沁膚。垢膩忽去。宦情塵慮。頓  
覺一洗。樓下溪流觸石。泐泐有聲。終夜不能眠。是日  
行程一里餘。

一月十四日。發湯本。抵畑。路泥凍皴。輿夫艱立。筇自  
畑至箱根。積雪塊堆。懸崖冰柱。長數尺。光瑩如劍鋸。  
寒氣凜烈。手足將龜。閉門毀壞。礎石廢徹。黃茅叢生。  
回想往日。閑吏暴權。真如隔世。湖面啼鳥。只存舊觀。  
耳。過驛。即伊豆之國。抵三島。投糶屋。日猶高。是日。行  
程七里。經驛一。曰箱根。

凍皴字新奇

巡田日記 第一篇  
一月十五日。發三島左折。沃野茫茫。路在田塍之間。平坦如砥。車行如飛。抵韭山。投宇野氏。午後散步村中。茅屋數十戶。並列成街。無開肆成商者。戶數僅九十餘云。街西有負山一大厦。是前政府土著世襲代官。江川太郎左衛門之家。喬木千章。鬱鬱相圍。一見知為舊族。距街數町。有蛭小島。右府源公配流之處。今為田圃。建碑表其趾云。有公車不能造觀焉。蓋伊豆之為地。山脈來自相摸。為半島。餘脈入海。起伏成百餘島嶼。土地硠确。民俗質樸云。  
一月十六日。曉起開戶。微雪片片。屋茅皆白。召里老

問訊故俗。筆錄成。付淨書。  
一月十七日。將發韭山直抵下田。聞天城山路險雪深。不如舟行至松崎之路頗安也。乃命車復過三島。渡黃瀨川。即駿河之國。抵沼津。投虎屋。命明朝倩舟之事。是日。行程三里。  
一月十八日。夜來西風大起。海波洶湧。不能解纜。舟子來報。兩三日風必不止。乃謂淹留費日。妨公務。命車發沼津。出原里餘。過鈴川村。左折入新道。行松林間。出田子浦。渡富士川下流。直出蒲原。比於經舊道吉原岩淵。近一里云。昏暮抵靜岡。投東萬屋。是日。行

程十五里餘。經驛五。曰原。曰蒲原。曰由井。曰興津。曰江尻。

一月十九日。有事赴縣廳。歸路散步市中。市廛擲比。行人絡繹。亦一都會也。戶數凡七十餘云。靜岡之地。北負高山。南面大洋。氣候溫暖。梅花盛開。蠶豆抽地尺餘。頗忘客衣之薄。久能山。三保松原。皆為勝地。以有事不得造觀焉。蓋駿河之為地。富嶽挺立。北方富士川貫其中。央土性黑磽。宜茶麥。瀕海之地平曠。有魚鹽之利。風俗和易云。薄暮轉寓兩替町鎌田屋。

一月二十日。召里老問訊故俗。筆錄成。付淨書。夜來

月散步前街。絃歌如湧。游客如織。大慰客愁。

一月二十一日。發靜岡出安倍川。新橋長二百八十間。馳車而渡。抵宇都谷嶺。步而踰。自山腰至山腹。路為之字。便行車輪。其頂上最嶄絕處。穿隧道長數町。處處點燈照路。光焰不能達。濛朧僅辨人影。比舊道便近而夷。實近來之大土功也。在五中將萬徑之古蹟。今不知在何處也。抵藤枝。投萬年屋。是日行程五里餘。經驛二。曰丸子。曰岡部。

一月二十二日。荒驛蕭索。無慰人意者。戶數凡六百餘云。

一月二十三日。召里老問訊故俗。筆錄成。付淨書。  
 一月二十四日。發藤枝。直抵大井川。川原杳杳。架橋  
 濟人。無復裸跣。昇人之舊態。又許輕舟來往。大為運  
 輸。便益云。過川。即遠江之國。踰小夜中山。西風大起。  
 輿簾掀翻。抵掛川。市街連接。戶數凡千百餘云。投松  
 屋。是日。行程七里餘。經驛三。曰島田。曰金谷。曰日坂。  
 一月二十五日。召里老問訊故俗。筆錄成。付淨書。鄰  
 室有歐人挈古人來宿。終夜喃喃。不能成眠。  
 一月二十六日。發掛川。抵天龍川。架新橋。長六百間。  
 餘。車聲麟麟。瞬間而過。佛氏以作橋梁為大功德。真

可謂知言也。抵濱松。投花屋。結構輪奐。架三層樓。器  
 什清楚。衣衾溫柔。待客有禮。為東海道中旅亭之冠  
 云。午後微雨瀟瀟。簷滴成聲。是日。行程八里餘。經驛  
 二。曰袋井。曰見附。  
 一月二十七日。召里老問訊故俗。筆錄成。付淨書。薄  
 暮散步前街。市店稠密。商況殷繁。戶數凡三千餘。本  
 州第一之名邑也。蓋遠江之為地。北方一帶。山脈來  
 自信濃。頗為深阻。南方漸平坦。大井川限其東。天龍  
 川貫其中。瀕海衍沃。多川澤。時有漲溢之患云。  
 一月二十八日。午後發濱松。驛西右折。行田勝之間。

里餘。抵入野村。小憩。乘小漁船。過蘆洲之間。出洋面。船身矮陋。風浪大起。潮沫入舫。旅裝皆沾。薄暮達新所村。經山路里餘。即三河之國。四顧皆渺渺曠野。無茂林脩竹。矮屋兩三。隱見于黃茅白葦之間。過二川。戶戶點燈。松林夾路。石蹊濛朧。夜半抵豐橋。投小島屋。饑寒甚。一浴喫飯。始覺蘇息。是日。行程九里餘。經驛二。曰新所。曰二川。

一月二十九日。散步市中。西風凜烈。市聲蕭索。戶數凡二千二百餘。頗為名邑。蓋三河之為地。山脈連東北。渥美郡之地。勢如伸臂。對尾張。知多郡。共抱一灣。

有矢作太平豐川三大河。州以得名云。

一月三十日。召里老問訊故俗。筆錄成。付淨書。

一月三十一日。發豐橋。入山間里餘。雪積數寸。屋茅樹枝。皆為瓊玉。路泥黏著。車行甚遲。三州之地。大抵山低水緩。多曠原平野。椎松老茅。離離相連。蓋地質礚鹵。為開墾之益。不足償其勞費也。御油赤坂藤川之驛。荒涼廢蕪。無存舊觀者。抵岡崎。投桔梗屋。妓棲相連。絃歌達曉。是日。行程八里。經驛三。曰御油。曰赤坂。曰藤川。

二月一日。道路泥濘。不出戶。

忠厚之情藹然  
溢楮

二月二日。是日。舊曆元旦。家家盛大餅於盆。掛繩索於簷端。街市喧闐。召里老問訊故俗。筆錄成付淨書。二月三日。發岡崎。過舊城趾新道。墻壁敗頽。礎石亂離。有東照公產湯之井。嗟公之功烈。載在史冊。固不待贊揚。上之撥四百年之亂離。下之開三百年之太平。今世之成丁者。不問種族。不論貧富。自乳養至志學。皆莫不受公之遺澤者。而其學淺薄。其識錯亂。媚時趨勢。評公為織豐二氏之流。多見其不知量也。出矢作川。長橋如虹。鍊欄齊整。往日之朽柱敗板。無有一存者。渡橋而西。風動雨來。乃覆油幕。鬱陶懊惱。只

兩中車上情狀  
寫得奇

見車夫贅肉動耳。自池鯉射至鳴海。途中有境川。即尾張之國。抵熱田。投紀伊國屋。炙衣揮泥。解旅擔。乾文書。是日行程八里。經驛二。曰池鯉射。曰鳴海。二月四日。過熱田祠前。至名古屋。一里餘。兩邊人家櫛比。市聲喧鬧。列肆並店。百貨輻湊。戶數凡四萬餘。三府之外。第一都會之名不虛也。投本町錢屋。有事赴縣廳。廳新築擬洋製。宏壯偉麗。煥赫驚目。蓋尾張之為地。地勢平衍。木曾川繞其西北。有灌溉之利。東方一帶。受三濃諸峯之餘脈。岡阜起伏。突出南海。土質膏沃。米穀豐美。風俗溫和。民能勤工業云。

恐得非金膏益  
乎

當時多此感

二月五日。轉寓玉屋町。篋屋。孤室蕭條。尤宜校文案。午後過城址。五層樓櫓。獨存舊觀。屋角金甌。既為博覽會之列品。嗟物之盛衰。時之變遷。豈獨此城乎。散步市街。詣大須觀音。賽者絡繹。香煙如雲。大士之威靈。今古如一。歸寓已點燈。

二月六日。召里老問訊故俗。筆錄成。付淨書。

二月七日。發名古屋。經新道。七里抵前須。傍田塍。渡溝渠。眼界無一丘垤。築堤穿堰。新墾數萬頃。物產之盛可知也。僦舟下木曾川。是日風恬日暖。篷底吹烟。眺望最佳。濃勢之遠山。四面抱水。水色如藍。流為數

水鄉之景寫出  
逼真

派。舟脚左折右轉。兩岸枯葦老茅。叢叢生洲。茅屋隱見。皆棘樊荆扉。漁網曝竿。真足為江湖之想。達桑名。即伊勢之國。城壁毀壞。喬松枯倒。無復存舊觀者。抵四日市。投帶屋。是日行程十五里餘。經驛二。曰前須。曰桑名。

二月八日。發四日市。抵追分。左折出參宮道。道坦土硬。車行如飛。經神戶白子上野三驛。回顧舊遊。已為十八年之前。某水某山。皆如生面。抵津。投大觀亭。亭在市街極東。林泉幽邃。臺榭清潔。殆忘身在逆旅。是日行程九里餘。經驛三。曰神戶。曰白子。曰上野。



余亦藏土井翁  
画竹一幅奇甚

幽致可掬

二月九日。有事赴縣廳。廳在舊城中。樓櫓牆壁。猶存  
舊形。不禁衆庶車行。歸路過西町。訪舊識土井隱居。  
談話移晷。主人作長古并畫竹見贈。賦短絕為謝。  
二月十日。召里老問訊故俗。筆錄成。付淨書。入夜春  
雨蕭然。亭蓄歌妓數人。供游客歡。天寒雨暗。客跡稀  
疎。乃演習其伎。或絲。或竹。或鼓。隔數室聽之。旁潤飾  
筆錄。尤足慰岑寂。  
二月十一日。午後散步市中。是日。紀元節。家家翻國  
旗。街形皆成丁字。戶數凡五千三百餘。蓋伊勢之為  
地。山嶽連亘。西南。東南。面大洋。土壤肥沃。最饒鱗介。

習俗便巧云。

二月十二日。發津。抵松坂。街市經災。新築輪奐。戶戶  
或出或入。街路不正。本居氏隨筆謂。不知其故。亦可  
謂奇也。雲出柳田二川。皆架橋便行客。近外宮數里。  
參客人來往如織。皆負管笠曳竹杖。歌伊勢音頭而  
過。渡宮川。人家漸稠密。過間山。伐樹木。平峻阪。路傍  
植櫻。新號櫻木町。於杉於王之舊態。不可復觀焉。抵  
宇治町。投醉久樓。樓臨五十鈴川。負鼓嶽。風光尤好。  
入夜。乘月游古市。觀栢屋伊勢音頭舞妓十餘人。聯  
袖翻扇。步趨閑靜。音節古雅。尤可愛也。是日。行程十

里。經驛三。曰雲出。曰松坂。曰本明星。

二月十三日。午後沐浴更衣。渡宇治橋。入神門。老樹千章。鬱々相圍。石蹊屈曲。白日猶暗。盪嗽拜頽。肅然起敬。許詣人賽報。散錢如丘。繞祠後山蹊。出下向道。路傍肆店。招客賣翫品。呼聲喧闐。夾路乞錢之丐人。今不在也。散步抵山田町。拜外宮。舊日粉飾之觀。今變素朴。與內宮同製。併宇治山田。戶數凡六千三百餘。蓋度會郡之地。舊屬神田。有豪族五十餘家。半治神事。半治民事。源右府之霸政。尚不能加其權。故有守護不入之稱。其地卒歸豪族私有。割租額少許。供

神殿修補料。人民為其貸耕。不受武門制度者。殆千年。王政革新之際。舊法皆廢云。

二月十四日。召里老問訊故俗。筆錄成。付淨書。

二月十五日。發宇治町。右折穿田塍。出烏羽街道。道路屈曲高低。過朝熊村。有朝熊山二見浦之道標。度溪踰山。數里無人家。踰土坂。即志摩之國。降松木阪。入烏羽町。投土屋。寒風凜烈。早覆被而卧。是日。行程四里。

二月十六日。召里老問訊故俗。筆錄成。付淨書。薄暮散步市街。人家負山臨海。城山突出東邊。引海水為

紀地勢山脈每  
每可觀此紀游  
之尤有關係者  
也

溝。伐樹毀牆。只存石壁。港外皆山。海水如無所洩。而  
大船巨船。陸續來泊。登高阜望之。如設假山盆水。名  
為海內第一之港。真不虛也。戶數凡千百餘。蓋志摩  
之為地。地脈來自西北。盤互曲折於海表。抱灣港。為  
船舶必由之處。土壤褊少。薄瘠。居民勉漁事云。  
二月十七日。倩小舟。發鳥羽港。風靜潮穩。嶋嶼星羅  
棋布。到處異觀。漁村婦女。携籃摘海苔。如水鳥群集。  
抵二見浦。雙巖挺立海中。一大一小。掛藁繩以表之。  
巖形平凡不足觀。而施勝景之名者。不知何故也。內  
外宮舊神領之婦女觸穢者。必來楔。以故詣人來往

不絕云。舍舟。行砂濱數町。有旅店數軒。倩車而發。道  
路平坦。經川崎。出叁宮街道。薄暮抵津。又投大觀亭。  
散步觀音祠前。觀劇場。是日。行程十四里餘。經驛三。  
曰本明星。曰松坂。曰雲出。  
二月十八日。發津。抵長野。乘籃輿。踰五十町之嶮山。  
所謂長野嶺者。嶺上即伊賀之國。飛霰時來。寒威砭  
膚。時候俄變。下嶺。抵平松。投伊勢屋。倚爐炙衣。早就  
寢。是日。行程八里餘。經驛二。曰片田。曰長野。  
二月十九日。大抵伊賀之為地。群山萬壑。起伏重疊。  
竹樹深密。前面如無路。而山開溪回。忽又有村。路傍

學柳異彩可愛

方寸之地。無不開墾。抵上野。四望皆山。中有數萬頃田圃。城市在其中央。凸然隆起。土人皆謂其形如播盆。中覆一小盂。真然。投本町白銀屋。戶數凡三千云。亦山間一都會也。是日。行程七里餘。經驛一曰平田。二月二十日。召里老訊問故俗。筆錄成。付淨書。此地寬永中。為劍客荒木助妻弟。殲仇家川合主。徙數十人之處。其寄寓之旅亭。今尚存。街西某寺。有川合墳墓云。其為事。裨史傳之。劇場演之。不復須縷述焉。夫復讐義俠之事。固非中道也。然而塗肝腦。斷腰領。而不悔者。蓋至誠惻怛之所不能已。亦有足多者。今之

余作偉人傳佳  
人傳每每慨嘆

此弊老兄亦同  
於余之見余之  
德不孤

人。骨肉有難。便引文飾義。雍容淡漠。視等行路。以為中行。宜爾。噫。風俗之頹敗。至于此。抑世教之令然邪。將異邦之弊習。浸漸而然邪。今復讐義俠之傳。存劇場。觀客為之感泣。嗚咽。有不異往昔者。則秉彝之命脈。猶存於冥冥中也。必矣。安得有力者。激揚之。是夜寒甚。衾中瑟縮。不能成眠。

二月二十一日。發上野。左折入小徑。二里。過石打村。即大和之國。又行一里。抵尾山村。卸擔。一農家。吟步。觀所謂一目千本之梅林。此間山深。暖遲。技頭僅點綴。玉葉耳。幹皆槎牙。技皆橫斜。而躍然含春。山之秀

文亦發揮梅花之精神

可惜可惜

拔水之清瑩。發揮梅花之精神。真可謂海內無雙矣。其詳在齋藤氏之紀勝。官將之便路。遭遇美人。亦天幸也。但恨不使萬斛清香留衣襟耳。尾山村在溪南。月瀨村在溪北。兩村皆賣梅實為生。而近年失其利。故伐梅植茶。今存三分一云。農婦饗團飯。貳以醃梅。喫罷。心腸清烈。出尾山村。即山城之國。過大河原。薄暮抵笠置。投木屋。是日行程八里餘。經驛一曰大河原。二月二十二日。倩舟發笠置。板上霜積寸餘。寒風透骨。溪流清駛。忽過數里。抵木津水。漸濶。山漸遠。川身

多砂石。舟屢膠。篙夫左轉右折。過男山麓。達山崎。上陸。直至停車場。會瀨車自東至。乃忙乘載。出驛。即攝津之國。須臾達大坂。入茶店小憩。抵大川町。投北川屋。數日間滯留山中。忽入都會。愉快甚。是日行程二十里餘。二月二十三日。得東京家書。封上有平安字。已慰客愁。午後散步。二月二十四日。發大坂。渡大和川。即和泉之國。過塚市街方正。家屋美麗。物貨甚多。戶數凡一萬三千餘云。乘馬車。雨後泥路活活。不能疾行。路傍有高師濱

信太森蟻通神社。皆遠望耳。抵信達。會修築道路。禁車行。乃乘籃輿。里餘。入山間。道路屈曲。高低。過山中。農夫為群。伐石修道。渡堰。橋即紀伊之國。踰雄野嶺。抵山口。投日高屋。是日。行程十二里餘。經驛三。曰岸和田。曰信達。曰山中。

二月二十五日。發山口。道路平坦。車行如飛。渡紀伊川。遠望城槽。人烟漸稠。抵和歌山。投本町藤屋。午後散步市中。人家縱橫。擲比。巨川貫其間。舟楫來往。百貨輻湊。戶數凡一萬六七百餘云。可謂南海之大都會也。遂遊和歌浦。海水為灣。如池沼。水碧天青。萬

筆端有畫使人  
艷羨

象激激。一大巖屹立水中。巖上有二層塔。是為玉津島。明神巖石皆木質。蓋化石也。隔水山腹有紀三井寺。堂塔隱見於竹樹之間。眺望絕佳。土人拾牡蠣破殼為業。沿岸有茶店。賣蠣飯。歸路行田。塍之間。南國暖早。菜畦放花。蓋紀伊之為地。包擁大和之三方。突出海表。後澗前銳。狀如箕舌。吉野之山脈來自東北。成熊野高野之諸嶺。熊野川貫流中央。紀伊川注其北疆。西北衍沃。田野大闢。海濱廣斥。富魚人。柑橙之產最饒云。過士族邸地。垣墻依然。而其中多墾為麥圃。余每過各州士族之邸地。不得無感慨。而獨發浩

嘆於此地者。抑有以也。往時紀藩之士。賴德川將軍威福。傲然睥睨他士民者。常為三親藩之魁。今過此地。若不知有士族者。時勢之變亦奇哉。歸寓既黃昏。是日。行程三里餘。

二月二十六日。召里老訊問故俗。筆錄成。付淨書。以寒疾早卧。

二月二十七日。發和歌山。經堺。入夜抵大坂。投道頓堀料屋。樓隣日本橋。市聲喧闐妨眠。是日。行程十五里餘。經驛五。曰山口。曰山中。曰信達。曰岸和田。曰堺。二月二十八日。終日擁被養疾。

三月一日。游松島。觀傀儡戲。夜散步近市。行人絡繹。車行如織。兩邊張燈。陳貨賣食。可謂府下第一之熱鬧場。

三月二日。發大坂。乘氣車抵神戶。投海岸通町飯田屋。有事赴縣廳。歸路散步。街衢廣大。市店美麗。戶數凡二萬四千餘云。詣湊川神社。建築偉麗。周垣宏壯。旗亭觀場。陳列兩邊。嗚呼。忠臣楠子之墓。依然在東隅。回思往昔。拜詣於春蕪茫茫中之時。如異其境。嗚呼。公所謂聖賢而豪傑者。蓋二千五百年間之一人而已矣。苟自非亂臣賊子。莫不仰慕其德者焉。十餘

僕尤憎此輩而此輩世稱曰學士何也噫

確論不磨

年來學術壞亂。大道榛蕪。抗顏稱師之輩。或有以公此匹夫自縊於溝瀆者。其意蓋謂徒死無益于國。不如從事農商。興物產。營貿易。開富國之基。嗟。是言為諭。急情無能之士族。有激而發乎。若以是論公。猶以奴隸之事。望諸縉紳。多見其不知量也。倘使公背笠置之詔。避北條兵。朝就足利。夕就新田。如娼婦之賣淫。唯利是謀。則論者將稱贊之歟。萬犬吠聲。其害不淺少也。世道人心之變。可勝痛歎哉。然則祠宇雖美。祭奠雖潔。公之靈。應響于地下矣。遂詣生田神社。履梅方盛。梶原之井。神功皇后之釣竿竹。皆存古蹟。

感慨筆氣似馬遷  
老兄游中過舊居地凡有三而此則其家之舊貫併此則四處與感慨抑亦胸中多事哉

余家本系菅原。久住此鄉。遂稱生田氏。載在家乘。以故每過此地。低回不能去。是日行程十里餘。三月三日。召里老訊問故俗。筆錄成。付淨書。午後發神戶。過一谷。即播磨之國。抵加古川。投大坂屋。是日行程十里餘。經驛一。曰明石。三月四日。發加古川。左折入小徑。行田膳之間。一里。抵高砂。人家稠密。倉庫連築。為繁昌港。詣高砂祠。觀相生松。樹雌雄同根。交枝連幹。為偃蓋形。可謂奇也。今所存者。豐臣氏時所植云。傍有尉姥祠。過市而北。入山數町。詣石寶殿。祠祭大國主少彥名神。有四角



一巨石。後面突出為龕形。高三丈餘。濶準之。石根四  
殺。水繞其根。如湧出者。水量增減。從潮候云。可謂神  
功鬼作之境。下祠懋茶店。此間山骨皆石。石匠為群。  
鎚聲遠近相應。曾根松尾上鐘。皆以迂路。不果觀焉。  
抵姫路。市街美麗。人烟稠密。戶數凡六千二百餘。蓋  
播磨之為地。攝丹之山脈。繞其背。以界山陰。瀕海之  
地。大抵平行。港泊至便。為山陽之要津。土壤膏腴。田  
疇大闢。又有魚鹽之利云。投福中町米屋。是日。行程  
七里餘。

三月五日。召里老問訊故俗。筆錄成。付淨書。

三月六日。發姫路。右折。渡齋崎川。抵三日月。留僚屬。  
代理公務。抵佐用。投江見氏。是日。行程十二里餘。經  
驛三。曰齋崎。曰千本。曰三日月。

三月七日。倩籃輿。踰一峻嶺。即美作之國。自土居乘  
車。抵津山。市坊東西相連。一里餘。戶數凡四千二百  
餘。蓋美作之為地。山嶽連亘。疆為列界。南方地勢  
漸低。河水盡奔注。備前地味膏腴。米麥能熟云。投京  
町金谷屋。舊友群至。談話聞鷄鳴。是日。行程十一里  
餘。經驛二。曰土居。曰勝間田。

三月八日。舊友復至。續前話。或携紙索書。乘輿一揮

莫情真詩令讀  
者惻然  
似讀鬢飄海外  
詩

家人父子之情  
溢于楮間

而去。過院莊。路傍有備後三郎白櫻樹之故址。抵久  
米上村。展止第石原常墓。遂投下打穴下村黑瀨氏。  
主人驚喜。款待甚篤。自丙寅至己巳。携家眷寄寓此  
家。僅救饑渴。有夢慣別離醒亦早。淚經憂患盡將無。  
線針母老傷晴暗。并曰妻勤憫貌癯之句。追懷往事。  
感不能已。是日。行程五里餘。

三月九日。晨起展止兒平次郎墓。遂辭主人。道路石  
多車輓。抵福渡村。投親族本多家。舅氏齒落頭禿。行  
步甚艱。其孫女已迎婚舉子。其他族人無一存。舊貌  
者。追懷十年前事。情話綢繆。至深夜。是日。行程五里

餘。

三月十日。應囑書大字數幅。

三月十一日。倩舟下高田川里餘。入備前之國。雨餘  
水高流急。舟脚如飛。達岡山上陸。投中島町炭屋。遇  
僚屬二子。議渡航四國之事。是日。行程七里餘。

三月十二日。散步市中。人家建築宏麗。物貨富贍。為  
山陽道之名邑。戶數凡八千百餘。蓋備前之為地。東  
西。兩大河來自美作貫流州內。兒島一郡。抱海灣。連  
備中。島嶼綦布。接讚岐。運輸甚便。北方山多。平地少。  
南方稍衍沃。居民兼營漁業云。入夜至江波村。待瀨

船至。擁被而卧。是日。行程二里。三月十三日。天將明。舟子來報。解纜。蹶起不遑。盥嗽。入氣船。船室頗美。飲食甚清。午前達多度津。即讚岐之國。上陸憇日庸舍。倩車抵琴平村。徒步上象頭山。石磴掠面而起。數百級。其頂淨境別開。神社新築。將成。偉麗壯構。建木標。揭記捐資助工。至百圓以上者。姓名。其未滿百圓者。別記建祠門外。祠官之寓意。可謂黠也。各國詣人絡繹不絕。皆冒掛神符如捧寶玉。大者數尺。小者數寸。包以油紙。表以金字。來者納舊。去者受新。山下市街。陳貨賣食。紛華繁昌。與伊勢山

田為伯仲。戶數凡千三百餘云。讚岐諸港勿論已。凡山陽道諸州。通舟楫之地。皆受其餘庇為生業。神之威靈亦大哉。抵丸龜。投通町和泉屋。是日。行程二十里餘。

三月十四日。散步市街。路狹屋矮。市聲蕭索。而幅員頗廣。戶數凡三千九百餘云。舊城中有鎮臺分營。建築宏壯。差強人意。

三月十五日。召里老訊問故俗。筆錄成。付淨書。午後發丸龜。抵高松。投古新町中島屋。是日。行程七里餘。三月十六日。散步市街。肆店美麗。百貨充足。幅員甚

廣。行人雜遝。戶數凡八千餘云。離市至公園。周垣宏大。林泉幽邃。有<sub>二</sub>食店<sub>一</sub>。有<sub>二</sub>懋亭<sub>一</sub>。大慰人意。此園元係舊藩主別業。憶當時守衛禁嚴。雖藩士或有不得一瞥者。而今市童村婆。擷芥探艾於園中者甚多。豈可不謂王化餘澤之一端哉。然而人民有咨嗟之色者。各州皆同。豈其皆愚駭而然歟。抑有致之者歟。過市街。抵屋島。上山巔。瞰古戰場而歸。蓋讚岐之為地。南方負山。北面內海。群島繡錯。連三備。景勝之地最多。島民率舟居。營漁業。州內陂池數千。宜灌溉。瀕海平夷肥沃。有魚鹽之利。風俗溫順云。

三月十七日。召里老訊問故俗。筆錄成。付淨書。午後發高松。經九龜。抵多度津。投花菱屋。待漁船至。是日行程八里。

三月十八日。午前乘漁船。載客頗多。隅坐貪睡。夜半達三津濱。即伊豫之國。上陸。投久保田。是夜風穩。月明。山水如畫。徜徉沙濱。是日行程四十里餘。三月十九日。抵松山。投魚町江戶屋。有事赴縣廳。歸路散步市中。家屋矮陋。街路狹隘。市聲屬蕭索。戶數凡七千五百餘云。但城櫓存舊形。堰埤於山上。松樹之間。是可觀耳。蓋伊豫之為地。石鎚之山脈。連亘東

道後溫泉得名最久

南界截土佐支脈走西北橫貫州中北方島嶼錯列  
 接山陽道西方灣嘴參差對西海道道後四郡田野  
 大開地味膏腴米麥能熟云是日行程一里餘  
 三月二十日召里老訊問故俗筆錄成付淨書午後  
 命車抵道後村投射屋浴溫泉泉帶硫黃氣溫度可  
 體清潔可鑑膏有三層樓浴店號新湯建築清麗供  
 菓羞茶數回連浴至夜深而眠是日行程半里  
 三月二十一日晨起抵郡中乘籃輿而發經中山抵  
 內子投論田屋此間相距八里強層巒重嶂相連道  
 路險惡或度獨木橋或踰懸崖輿中身震慄而輿丁

談笑如行平地蓋習慣令然也籃輿驟用輿丁二人  
 為例此間道路必用三人路險可知也是日行程十  
 二里餘經驛二曰郡中曰中山  
 三月二十二日發內子乘車抵大洲穿市有川曰肱  
 川至海濱三里強通舟楫頗便運輸云又乘籃輿踰  
 峻嶺度險崖經卯町抵吉田投虎屋是日行程十一  
 里餘經驛二曰大洲曰卯町  
 三月二十三日發吉田抵宇和島投本町居村氏午  
 後散步詣城北和靈社地勢高燥祠殿偉麗可俯瞰  
 城市歸路過市中魚店相連巨鱗充積不食既飽城

南海春初之景  
如見

臨海灣。泊檣林立。頗有富庶之姿。戶數凡二千六百餘。而市廛寂寞。物貨陳惡。無足觀者。蓋四國之極西地。僻而行旅少故也。此間之地。大抵山嶽居八分。田野居二分。山腹水涯皆植榲。鬱然為抱圍。居民製蠟以為生業。云到處伐木。火山隨地高低。為麥圃菜畦。海南暖早。菜花麥長。青黃錯雜。山山如被花檀。真奇觀也。是日行程三里。

三月二十四日。召里老問訊故俗。筆錄成。付淨書。入夜細雨蕭蕭。與僚屬手談至三更。

三月二十五日。發宇和島。抵大洲。投本町津國屋。是

困苦可想

日。行程十二里餘。經驛二。曰吉田。曰卯町。

三月二十六日。自內子乘籃輿抵郡中。投米屋。大抵驛舍籃輿之製。建竹竿為四柱。編竹肉為屋庇牀版。藉以布團。薄硬如煎餅。輿身矮小。雖少婦不能伸首足。余軀幹長大。額貼胸。膝高于頭。縮躬如毬。數日間經過險路。肩背疼痛。頗艱起卧。倩按摩師療之。是日行程十一里餘。經驛二。曰內子。曰中山。

三月二十七日。早發過松山。抵三津濱。倩尾道渡航。午後解纜。西風滿帆。舟脚如飛。入夜泊御手洗灣。上陸投宿村家。是日行程十五里餘。

曉起觀意外之  
花旅中快事

三月二十八日。曉起開戶。滿山桃花。不知幾千株。紅雲漠漠。倒映海水。人面皆赤。午後解纜。僅過數里。泊嶼陰。蓬窓風冷。不能成眠。是日。行程五里餘。

三月二十九日。舟子勉勵。或揭帆。或操櫓。午前達尾道。即備後之國。市店清楚。舟船輻湊。頗為殷富之鄉。戶數凡三千餘云。上陸投松榮樓。樓業割烹。居室清潔。大慰舟中鬱抑之情。薄暮微雨蕭蕭。點滴有聲。是日。行程五里餘。

三月三十日。召里老訊問故俗。筆錄成。付淨書。午後命車抵福山。投船町備前屋。是日。行程五里餘。經驛

一。曰今津。

三月三十一日。散步市街。人家矮陋。市聲蕭索。戶數凡四千五百餘。蓋備後之為地。群嶺聳北。方東南平曠。土質膏沃。有魚鹽之利。運漕之便。西北諸郡。民產薄瘠。多業採礦云。

四月一日。召里老問訊故俗。筆錄成。付淨書。午後又抵尾道。投松榮樓。待瀛船至。是日。行程五里餘。

四月二日。二更就枕。未結夢。忽有瀛船來港。號聲。忙束裝。上船而寢。

四月三日。午前達宇品島。即安藝之國。乘小艇。沂河

遊日記 第一卷 十四

水抵廣島。投鳥屋町木原屋。樓欄臨川。眺望最佳。兩岸妓樓相連。絃歌拳戲之聲。遠近相聞。舟楫來往如織。可謂大坂以西之大都會也。戶數凡一萬九千云。是日行程二十里餘。

四月四日。散步市街。蓋安藝之為地。層巒連北方。巨川分流南北。南方島嶼。碁布對伊豫群島。為舟路必由之處。港灣之地。百貨輻湊。商業頗盛。戶口亦繁。庶但田土磽瘠。不宜播種云。

四月五日。召里老問訊故俗。薄暮筆錄成。此行問訊之事。至是全了。適值舊曆上巳佳節。乃買白醪酬酌。

隔海五里。有嚴島。風景絕佳。為日本三景之一。時春光駘蕩。滿山花將開。有勸同游者。以經曾游。謝不往。四月六日。午後乘小舟抵宇品島。上漁船。薄暮拔錨向東。

四月七日。舟中微吟消日。藝備之海峽。島嶼碁布。花木隱映。人家點綴。其間山温而水恬。恍疑入仙境。西洋人戀賞。以為世界第一之風景。蓋非溢美也。

四月八日。昧爽達神戶。投海岸通專崎氏。得微閑乘漁車游大坂。午後歸寓。薄暮上漁船。四月九日。舟過遠州洋。風波頗險。船身動搖。不可起。

清國何如璋亦  
戀賞有句云讀  
了山經讀水經

遊日記 第一卷 十五



公車筆錄二十  
五冊之餘又有  
游記數卷何其  
盛也先生氣力  
可想

立。擁毛布而眠。  
四月十日午前達橫濱。投本町森屋。盥嗽喫飯小憩。  
乘氣車抵新橋。別僚屬。薄暮歸家。是行。為日九十七  
日。為程七百餘里。接里老百六名。涉山川二十二州。  
作筆錄二十五冊。

*[Faint bleed-through text from the reverse side of the page]*

引異種之人抑  
誰之罪乎開卷  
第一置此首君  
之意太深矣

履霜堅冰至之  
意君精於易理

附錄雜詩戊寅四月

野毛山眺望

積雨初收淑氣新。村梅街柳欲回春。灣灣波穩群檣  
泊。多是天涯異種人。

橫濱客寓書事

瓦斯光焰路西東。行客語音皆不同。歌吹轅中人未  
寐。閑呵凍硯錄遺風。

發橫濱至鎌倉路上

枯樾蕭條村路脩。冬春野碓傍溪流。旅裝近日知逢  
雪。咫尺函山變白頭。

陰雲開駭夕陽曛。山送水迎風景新。南面溪梅花數  
點。清香自似遇佳人。

鍊倉雜詩

古墳累累草叢叢。山水依然人不同。三世霸圖成昨  
夢。滿田牟麥動東風。

憶稚子

言未分明步未馴。弱齡纔過四回春。孃歸黃土爺行  
旅。啼笑應依垂白人。

發小田原入函根途上

山腰漸遠海濤聲。幾脈溪流激石鳴。官路輪蹄多躓

三世之短不若  
年夢之長者歎

言情之詩隨園  
之極所賞若若  
在當時則此首  
入其詩話應受  
激賞矣

倒。籃輿却覺峻山平。

湯本客舍即事

高樓人定旅眠安。松籟溪聲夜氣閑。夢裏恍疑風雨  
過。推窓落月在前山。

下函山途中

荒茅短竹雪成堆。嶮阪降來村落開。知得林間鄉校  
近。山童相逐挾書來。

途上望冒嶽

村村霽野煙濃。眼界岡巒宿雪封。四十年來幾、經、  
歷。依然天半玉芙蓉。

清逸得芙蓉之  
仙趣感慨視之  
者淺乎

通雅詩 第一卷附錄 二

駿列道上

余昔歲寓駿中時屬炎暑遇着袂之官吏不見對花之村翁此君之游殊覺俗然

松林盡處有人家。幾縷炊煙日欲斜。憐殺村翁殊解事。茅簷負暖看梅花。

客舍即事

結句胸字之寬勝於香孩兒

楚語齊言旅客盈。半堂燈火影微明。夜闌欹枕眠難結。榻外容他鼾睡聲。

途上所見

余謂近歲新令遍令村落建學校於是貧氓亦命兒童入校校費多矣益之衣食此詩含不盡之意為縣官首

粉壁青甍建築新。校門樹遼若無人。挾書童子相追入。多是襤褸不蔽身。濱松客舍偶成

讀之宜猛省矣

雨聲繞枕旅愁多。倦夢纔醒燭影斜。忽怪清香美人至。床瓶滿插水仙花。

二川道上

陰雲開駁路黃昏。林外燈光覺近村。村落風寒行客絕。農家早已鎖柴門。

客舍即事

幾展地圖尋里程。關心夷險與陰晴。孤衾夢覺窓全白。庭竹無風雪有聲。

客舍偶成

身眠華室口新羞。一日就途三日留。旅枕若無千里

無有之字作手弄工處

巡田日記 第一卷附錄 二

詩曰言  
第一篇附錄  
三

夢。此間富貴勝王侯。

岡崎客舍值舊曆元旦書事

呼雛群雀早離巢。料峭寒威透客袍。知是迎年行客  
鬧。前街霜。返。屐聲高。

熱田客舍書事

滿驛紅燈引旅人。蕭蕭寒雨暗前津。四隣儼鬼呼聲  
大。始覺明朝是立春。

發名古屋道上

街塵滿面不堪停。匹馬衝寒向野坳。詩眼先於高所  
放。濃。山。是。白。勢。山。青。

宋人所云看山  
則宜高着眼正  
此意

舟中所見

水深只見橈痕回。岸轉又逢村落開。忽訝茅叢搖閃  
閃。一蓬漁艇逐魚來。

勢南道中

野柳溪梅春未回。荒村行盡小街開。長堤十里無松  
蔭。送雪寒風恣意來。

津客舍遇土井恪賦贈

回首曾遊十八春。春花秋月跡如雲。壯心今日凋零  
盡。滿鬢霜華又見君。

客舍聞雨

非江湖在胸次  
者不得此語

土井翁灑落毫  
無媚氣此段勝  
乃師可惜已歸  
道山曾聞翁好  
內不撰生果然  
乎否

巡田日記

第一篇附錄

四

遺俗流風費細評。南堂人散進燈檠。一篇文案添刪  
罷。靜聽前庭春雨聲。

拜內官書懷

神影長於鏡面留。照來人世幾春秋。霸權曾燬一千  
歲。王澤新沾八十列。鼓嶽高圍村落聳。鈴川緩抱市  
門流。皇家盛運今如此。始信當年燕翼謀。

鳥羽港晚望

海水彎環山若浮。曲灣烟鎖夕陽收。漁翁卜得風潮  
信。閑捲輕篷欲放舟。

上野客舍偶成

鼓嶽鈴川的對  
近時名家拜大  
廟之詩多為絕  
句如此之聯神  
之助而成之者  
歟

世人賞拙翁之  
文村梅厭拙翁  
之文以人之心  
豈測花之心乎

山驛蕭條宿雪堆。客窓坐待凍雲開。路離月瀨猶三  
里。早有梅花入夢來。

將月瀨村看梅

佳人久此養天真。玉骨冰肌歷幾春。一自齋翁弄文  
字。溪村也被世間塵。

舟下木津川

四面吟眸不暫閑。樹移岸轉水彎環。八幡在左山崎  
右。指點城列奮識山。

過豐公城址

終古綿綿漢水流。依然形勢舊城摎。擇臣適得黃常

腹聯李義山而較清者

度柳則月影青矣到梅則月華白矣少垂臨水則為青白矣作首之意會之

侍生子不如孫仲謀。銅雀夢中春。一夜錦帆波上月。千秋英雄心事誰能解。枉使庸儒喚沐猴。

舞子濱

十歲曾游夢未空。山光水色古今同。旗亭無復絃歌在。松影依然舞海風。

津山客舍夜歸

古城隱約隔烟霞。數里街頭醉步斜。初月離山未臨水。照從揚柳到梅花。

宿福渡村族人

山村春尚淺。殘雪在梅枝。寺近傳鐘早。峯高吐月遲。

溪聲驚夢處。雲氣入窓時。情話無端緒。十年生別離。備前道上

長塢放牛返。興盡殘日收。藤陰開小店。柳岸繫虛舟。山遠半無樹。村深多有樓。風煙如此好。不必憶鄉州。

岡山客舍

香蕨紅鱗。旅飯清。眼中風物進詩情。翠光浮動水穿市。輕靄橫斜山擁城。芍藥欄前風有迹。薔薇牆外月揚明。客窓醉後人皆散。卧聽隣樓鼓笛聲。

舟到多度津

帆檣林立海成灣。商旅街頭往又還。官路不嫌行役

進字不凡自杜之五律中來

燒草而不及花  
樹村翁亦知小  
人君子乎

大洲為富藩然  
城市之幽靜似  
郊野者結句能  
表之

遠短筇始著四列山

讚州道上所見

菜畦麥畝路彎環。渡艇無人繫柳灣。憐殺村翁還解  
事。燒痕不及有花山。

豫州道上

松山西去路艱難。經宿層巒疊嶂間。洋面模糊青一  
髮。傍人指點九州山。

大洲客舍

古驛春風愜素情。綠楊陰裏杏花明。滿窓暎影眠猶  
好。隴麥深邊曉雉鳴。

字和島客舍  
桃花開春雨餘。海城晝永校文書。不須長缺歸歎  
歎。旅飯三回必有魚。

舟到尾道所見  
尾道有四

山巒起伏偏圍北。市店高低自面南。粉壁青甍春靄  
外。影浮四十八伽藍。

曉發所見

暗處松林明處花。暖煙一抹雉聲奢。前途知有早行  
客。待渡柳陰燈影斜。

經城市書感

詩佛翁花明三  
十六僧房麗則  
麗矣但不免輕  
薄此七字麗而  
沉重是其所以  
優乎

二十八字一幅  
曉行之圖

朝權一自解封侯。甲換蓑衣劍換牛。到處市街春寂  
寞。夕陽猶照舊城樓。

書事

微吟曳杖暮春天。行盡花邊到柳邊。上巳佳辰知在  
近。家人勝列紅氈。

備後道上

水色山光轉萬然。人家斷處樹林連。村翁不管春深  
淺。紅紫叢中搗麥田。

廣島客舍書懷

先塋在石州、距廣島三十里

半生飄蕩隔鄉關。寄跡紅塵紫陌間。西去先塋三十

換甌北之句一  
字為可惜村翁  
不作詩可以評  
三四矣

尾句似勝隔水  
青山是越前

里。夕陽遙拜故鄉山。

舟過隱戶瀨灣中有平相國石塔

開鑿奇功駐大名。依然石塔海中橫。十年猶似留餘  
勇。暮汐晨潮戰不平。

舟發廣島

十旬猶覺一年長。七百里程來往忙。恰是鶯花時節  
好。布帆無恙向家鄉。

舟中偶成

楚語齊言意不疎。吟哦蓬底興何如。花開南北同觀  
畫。山變晨昏似讀書。三備烟光猶未盡。四洲黛色欲

第四句君善讀  
書故能觀山者



無餘。暮潮一道舟行早。指點燈臺點火初。

庚辰七月、例賜休暇、日就涼處、讀巡回日記、神  
動、翹飛、不能自已、試採各州形勢、沿革、山川、物  
產、各賦一律、意到筆隨、未二旬、得六十六首、但  
聲律之嚴、風調之宜、有<sub>下</sub>不免遺其大而舉其小  
者、如其故迹、殊俗、山川、物產、衆人不及識者、則  
分註各首下、如河內備中周防三州、雖不經巡  
回、以係舊游、各賦之、如北海道、札幌、渡島二州  
之外、無一可觀者、故就其全道併賦之、其記列  
各州、從<sub>下</sub>發東京足迹所及之便利、列名下、分註

畿道、明其山水脈理、不能從實際所過之順次、  
故不<sub>下</sub>分之於三篇、綜記以為一篇別錄、蓋是亦  
自序所謂供卧游之料耳、

武藏 東海道下同

曠原昔日草粘天。霸府開基三百年。甲信雲青山不  
盡。相房烟白水無邊。農工興學圖公利。要害毀關消  
武權。王澤豈唯中國遍。灣頭競泊五州船。

常陸

東海雄藩事久傳。人欽義烈二公賢。豐碑花繞梅千  
樹。正史刻成書百篇。霞浦湖光明接海。筑波山色碧

古人所云句句  
明白者

第二句一篇精  
神

曠野練兵大湖  
捕魚此州坦平  
殊得地利

九十九里得鯤  
魚之富敵數十  
萬石真為漁樂

之地而連村皆  
沙來往者不用  
履履是為舊游  
之地讀一二之  
句恍然神往不  
得不記數語

頌聯痛快感歎

浮天市街今日秋風冷。鬱鬱城闈月隱煙。弘道館記

下總

刀川分派貫中央。漁舶晨昏來往忙。原野新開練兵

所。沼池久作捕魚鄉。廳南內裏草千里。千葉成樓春

一場。隔水皇城纔咫尺。二別橋上夕陽長。習志野原

兵所。千葉氏。本州之豪族。世居十葉。門下隅田川

屬以本東古

上總

沙村茅屋幾漁翁。百里魚磯連北總。鬼淡山頭鬼啼

雨。虎耽崎上。虎號風。數區茶圃晚烟綠。萬頃蓮田晨  
露紅。武相岬端呼欲答。潮通江戶港灣中。濱為九里

安房

沿岸巉巖畫不如。洋心渺渺布帆虛。一宗師祖誕生

地。五世英雄割據墟。山骨東西多美石。灣身日夜聚

嘉魚。州中十月無霜信。滿地水仙花欲舒。小湊

五蓮。誕生之地。武威大振。

相摸

巡田日記 第一篇付録 十

伊豆之助源氏  
如有地之靈為  
朝賴朝之後尊  
氏又據伊豆府  
得勝吁可怪哉

第三句善狀駿  
海晴好之景

函根擁翠勢崢嶸。餘脈亘延東海橫。山上湖光寒水湧。波間島影白沙明。竊權三世開新局。據險孤城受大兵。七百年來成敗迹。春蕪渺渺麥苗平。

伊豆

林巒攢蹙少平田。山有良材水有鮮。百里長洋開要港。一村恒產沸靈泉。龍蛇棲息跡猶在。叔姪竄流名久傳。地勢綿綿展無地。飛為七島海中連。下田港為東門。熱海村有溫泉。浴客常盈。天城山有龍蛇窟。保元之亂。源賴朝於大島源賴朝於蛭小島。紫陌紅塵擁大達。十章喬木鬱城墀。海波激灑魚鹽。

富地質膠黏。茶楮宜。清見梵城吞十勝。久能神廟畫三葵。誰圖富岳中天雪。積在混池未剖時。清見寺有氏之三葵。德川之徽章。

遠江

曠野今為雞犬栖。幾村壯士把鋤犁。橋梁無跡海曾嘯。山石何心宵作啼。嶠岬參差難築埠。山巒深阻欲迷蹊。長流堰蜓天龍水。每遇秋霖善決堤。三方原為地。濱名橋。明應中。為海嘯沈沒。小夜山中。有夜啼石。

三河

三川本是得州名。矢作豐川又大平。七瀑奇觀尤快

西土之石能言  
東方之石能泣  
洵為雙奇

絕。諸藩舊邑尚繁榮。原頭秋霽棉花秀。灣口日斜帆影明。誰料岡崎小城地。曾生海道一豪英。八石郡有七道瀑布

德土川人稱阿寺七瀑。為海道第一評。  
尾張

撥亂之人止而奮財之徒存矣。昔何豪也。今何吝也。其可稱者。全表之美陶器之巧焉耳。

城市規模都府同。紅塵漠漠路西東。蓄財風俗如京。攝撥亂英雄出。織豐萬頃田。滕山淡淡。五層樓櫓樹叢叢。陶稱瀬戸綿鳴海。物產佳名海內通。

伊勢

神風鬼將在於今日則類豈

地負江濃面海門。一列南北異寒暄。郊村城市竈烟密。蔬穀人鱗人事繁。國號神風層浪。蹇山含鬼氣。怪

得入我邦哉

雲昏。祭田自古嚴疆域。霸政千年憚併吞。神風伊勢冠詞。○田

村麻呂新鬼于鈴鹿山。○太神官舊神田有守護不入之禁。

志摩

志摩之海濱風景絕佳而居民多貪猶如伊豆安房者歟

休言伊勢大繁華。僻地尤宜避世譁。山岳擁雲纒二郡。市街沿岸有千家。連灣群嶼圍遮海。投錨巨船來破霞。曉確元無耕織業。居民大半捕魚蝦。鳥羽港為舟船必由

地之

伊賀

江勢城和山四圍。此中不見世塵機。林壑環繞雲成壘。城市疊層家接扉。滿地鋤痕荒野闢。隔溪斧響採

樵歸一條綠水無留處。百里長流入甸畿。伊賀淀川末

大和

東伐功成始紀元。皇猷燕翼為仍孫。連山霧暖櫻千

樹。滿澗風香梅數村。寺閣雲深藏御物。墓陵露冷斷

人魂。南朝五十年官址。今古忠臣灑淚痕。檀原為神

武天皇創

山城

遷都鴻業帝圖新。山水依然經幾春。精巧機場多錦

繡。驕奢寺閣貼金銀。霞籠六六峯花木。風動三三條

巷塵。一自東巡駐鸞駕。公卿第宅鎖荆榛。西陣機場

芳野之櫻月賴之梅共為我邦之第一是由神武創業之地而得然者歟

第七句與第一句願應善步古

法者

東山有二十六峯市街有九條

河內

女織男耕風俗淳。人心未染世間塵。狹山茶賤通三

府。河內綿溫利眾民。先帝宮墟開壠畝。忠臣城壘據

嶙峋。平田難認二州界。近與攝津為比隣。反正天皇

金剛山有楠氏城址

和泉

翠袂含露幾田疇。池沼元為灌溉謀。信太林中狐跡

亂。高師濱上浪華稠。沙洲成岬吞南海。河水通橋界

二列。萬斛紅塵飛不到。鐵蕉一樹碧千秋。信太森高

帝宮將星之址列於高下之中茶山綿圍之蹊遍於平曠之中仰觀俯察豈無感於古今之變乎

名勝。○妙國寺  
鐵蕉。名遍都鄙。

攝津

池田伊丹之釀能令天下醉鴻池鹿島之財能令天下足約之於十四字中可謂簡也

長柄高津又福原。遷都舊蹟至今存。豐家雄畧觀城址。楠氏孤忠拜墓門。村邑釀成天下醉。市街富占國中尊。一條鐵道車輪響。直向西京瞬息奔。

紀伊南海道下同

沙門國三字雖新造而為古雅空海師在天堂應甘受之

八十里洋波森然。汀沙漠々翠巒連。和歌浦水淨於鏡。那智瀑泉疑落天。三郡柑橙基富庶。萬家闐闐起歌絃。深山別有沙門國。千百僧徒護墓田。高野山為空海師入定之地。有寺院千餘。

帝陵神祠異喧。而威靈者也

讚岐

州內陂池開數千。市街到處總歌絃。帝魂雲蔽松山月。鳳艦風飄屋島烟。山擁神祠銅臭滿。海連島嶼電機傳。居民終歲忙漁事。併載妻孥住一船。崇德天皇崩於此。安德天皇流寓屋島。琴平神社。賽人如蟻。○經備前島嶼。通電信。

伊豫

三分平野七分山。山劃土州行路難。灣腹數尋容巨舶。岬身十里遏狂瀾。滿川銅氣流沙赤。夾路蘆林紅葉殘。到處鮮鱗賤如土。羈柙劍缺不須彈。佐田岬斗九里。○別子山銅壙最著。

播州為撰西第  
一之美國居民  
自古不知貧之  
句以泛說而非  
然余證之其心  
藩藩士多好學  
接師者厚贈有  
禮民亦常然未  
句果非泛說也

走字出於漢書  
得古

播磨 山陽道下同

淡洲隔水近成隣。地控山陽占要津。潮汐分流連藝  
備。山巒攢翠思丹因。舟微明石灣頭霧。松綠高砂浦  
上春。海有魚鹽田米麥。居民自古不知貧。

美作

美醇訓義得列名。土質於今適稻杭。因伯數層山翠  
聳。備播十里海烟平。河川水遠通舟楫。城市家皆列  
畫。畫路走山陰。車跡在征人多向出雲行。

備前

城樓突兀帶斜陽。街市烟塵橋影長。群島異姿山點

蕃山為通儒中  
之通儒清麻呂  
為烈士中之烈  
士隔千數百年  
而成對於詩中  
誰謂非切耶

點。二川分勢水洋洋。蓄畬猶見通儒志。清穢何論烈  
士腸。文教如今消殺氣。人間不復說干將。海溼新田  
為熊澤蕃  
僧怒。改名穢麻呂。長船之刀劍。有銳利之名。觸茲

備中

大川滾滾貫原田。最愛中州風氣鮮。堠樹陰青街道  
直。秧田兩足桔槔眠。孫劉結好人皆逝。金甕生蛙跡  
尚傳。銅鐵魚鹽輸出盛。灣々歌吹隱汀煙。風氣新為鮮  
以本列  
山陽道第一。以西疆田為界。備桔槔氏。以灌水灌高松  
之。城取

備後

尾道繁華為備  
後之最近世茶  
山翁之詩詳盡  
此境而猶有四  
十伽藍之遺此  
句補茶翁之缺  
者也

廢聯杏坪翁之  
佳對

三備風煙欲盡頭。孤城據險扼汀洲。東西舟船潮常  
穩。四十伽藍塔似浮。鐵壙數區嵐氣冷。鹽田一面竈  
烟稠。山間又有繁華邑。百里長江到石州。三原海峽  
為舟船必

安藝

鎮臺兵氣不蕭然。二萬人家擁陌阡。相國雄圖開海  
峽。大夫遺業見山川。連畦風白棉花圃。滿浦潮腥牡  
蠣田。鳴鹿戲猿皆保壽。人傳嚴島有神仙。平清盛開  
鑿隱戶海

木棉壯蠟為本列名產。嚴島為日本三景之一。

亡國之人與家  
之人人物不對  
而句對矣作者  
雖詩意亦嫌平  
板乎

製紙煮鹽民產饒。秋風滿野長禾苗。金光日徹金雞  
瀑。錦色虹浮錦帶橋。流竄公卿空朽骨。豐榮神社仰  
英標。海門群島如綦布。影接豫州山翠遙。金雞瀑  
帶橋皆為錦

長門

山陽第一舊雄藩。文武典刑今尚存。石見并山雲擁  
翠。豐前縮水海成門。蟹螯何事稱平姓。娼妓多情吊  
帝魂。西望玄洋天渺渺。流潮遠向九州奔。豐浦蟹螯  
有平家蟹

豐前

西海道下同



領聯絕類對實客

第五句所指畫伯者竹田五岳其人乎封侯雖小亦有太富者其實多於十萬石余添此語以充此句之註

雞唱犬眠魚稻鄉彥山擁翠起中央。城池幾處簇喬木。祠廟十年存舊章。青黛如烟面南海。流潮似綫界山陽。怪來耶馬溪頭石。終古龍孫立不僵。宇佐八幡神事多存

豐後

舟泊安便有埠頭。日肥巒影翠如浮。隔雲僻邑多雞犬。滿地溫泉浴馬牛。山富烟嵐生墨客。地分疆域小封侯。內洋鎖鑰真天造。岬角成門對豫州。山中諸邑民家皆富而無上十萬石者。佐賀國對伊豫御崎為內洋海門。

前聯以荒唐對荒唐似非荒唐可稱光手矣

日向  
楮林夾路日光昏。地面東南風氣暄。波浪深邊通水府。煙嵐密處有桃源。山巔自古戈矛立。郊邑於今官址存。想見當年神武畧。携將劍璽向中原。宮浦村祭有龍宮交通之古說。肥後米良十四村今屬本川霧島山絕頂有天逆矛遺跡。都城近邑有高千

大隅

佐多岬角扼南洋。霧島噴烟終古長。地僻隸岷難解語。山暄草木不知霜。教村地適煙花圃。群島人安魚稻鄉。櫻嶽却供他國看。如捐美妾付鄰郎。佐多岬角為皇國最

巡和日記

第一篇附錄

十一

巡和日記

第一篇附錄

十一

南端。○國府數村多產烟草為海內第一品烟草又曰烟花。○種子屋久二島物產甚多。○櫻島立鹿兒市萬家壯觀屬城

薩摩

薩州近時為勤王之首而出憤王之土第三句目以豪傑蓋為薩諱之可謂婉矣

藩治長傳七百春。皇恩今日及黎民。全州豪傑歸黃土。滿港工商屬旅人。據險甍城無舊主。對灣櫻島似佳賓。南洋屬島皆洵美。鬼界何邊有鬼神。本州之民無土地私戰之權。今分與其地于各戶。○明治十年西鄉諸士有之。○港市開肆多京撰商賈。○明鬼界州南島名。士

水利縱橫古制存。稻雲黃熟幾村村。高山秀吐中天霧。群島環為裏海門。熊本城樓遺將略。菊池祠廟祭

肥後為九州之最美而郊原多戰骨是指近歲之亂未向令人造為懷望也

忠魂。經。災。街。市。纔。安。堵。到。處。郊。原。戰。骨。繁。全州水利遺制。島阿蘇嶽為噴火山。○天草諸島環繞為筑紫裏海之門。

筑後

領聯十四字誦之但言西國則人皆知為筑後也

兩。肥。地。脈。挾。西。東。紫。海。成。灣。舟。楫。通。沃。野。茫。茫。山。影。遠。大。河。滾。滾。水。聲。雄。黃。林。樞。實。多。民。業。紺。布。花。紋。巧。女。紅。一。葉。神。符。扭。捩。焚。溺。威。靈。人。信。水。天。宮。筑後川。西

浸。留。米。紋。紺。布。筑前

近時詩人游于筑前者言不及朝倉蓋惜於國史之故乎君以

影。宰。府。祠。壇。花。有。杏。紫。陌。長。橋。連。萬。瓦。淡。烟。啼。鳥。泊。伏。敵。門。臨。玄。界。洋。颶。風。覆。艦。事。茫。茫。朝。倉。宮。址。星。無。

對宰府而博雅矣

美人英將之迹只留一國而煤礦陶窯之器敷于天下名義不及利之歎作者寓之於敘事中可謂詩有史法矣

領聯說遠于肥前近于朝鮮之景其工夫唯在雲樹二字

近田巨計

第一篇附錄

十一

千播土人何管古今感。滿地機聲工業忙。帥師明救高麗崩于朝倉行宮。唐織帶博多名產。

肥前

煤礦陶窯民產寬。田疇沿海地彎環。美人情淚霑苔石。猛將威風撫劍鏢。島擁城樓各成國。山分支節巧圍灣。崎陽惟有存形勝。暮雨寒潮鎖稅關。佐領巾山有石。護屋。豐太閤征韓之役。定牙營于名護。皆城郭。

對馬

一列中斷劃西東。東角劈開灣港通。火海回頭雲幕幕。雞林決昔樹叢叢。地形難隔城兼市。田制曾分私

與公。岷隸徧傳崩御地。先皇豈是幸龍宮。嚴原之地。城郭。土田之制。古有公私之別。畧如周法。○上縣郡有安徳天皇崩御之古址。土人過其側。皆下馬。石見山陰道下同。

百里長江滾滾奔。山陰盡處古風存。山憑安藝如環堵。海面朝鮮不設門。沙磧曝魚連浦浦。溪流搗紙達村村。高津山上月明夜。誰吊歌神舊旅魂。江川貫州第一之大河。○高津山有柿木神社。公本列產。歌詞多及其山川者。

出雲

海內山川誰抗衡。仙蹤鬼跡口碑明。剗來蛇尾求神劍。較得驢腮定地名。樹綠三千年社殿。霞浮一萬戶

腹聯天生出雲詩無復加矣

巡田日記

第一篇附錄

十一

頤聯并說元弘  
因知一個忠臣  
之名長傳於後  
以故伯耆雖僻  
地其國之光不  
讓中列也

湖城。尼家遺業。今安在。岷隸猶傳。七歲兵。素蓋雄尊。  
湖中。其尾。獲寶。刻。堀。尾。吉。晴。築。城。于。道。湖。上。  
松江。之。軒。築。神。社。祭。大。國。主。神。之。建。在。紀。元。前。地。曰。  
江。市。戶。口。稠。密。為。山。陰。第。一。之。大。邑。○。紀。元。前。氏。攻。  
尼。子。而。富。田。稠。密。為。山。陰。第。一。之。大。邑。○。紀。元。前。氏。攻。

伯耆

秋深錦海。鱗肥。城市歌絃。倚釣磯。海驛風濤。留帝。  
跡。山城旌旆。助天威。朝侵峽角。聲如咽。雲擁山尖。勢。  
欲飛。隱島相離。三十里。洋心一點翠。依微。御來屋驛。  
著。船。慶。以。名。扣。長。年。迎。帝。于。船。上。山。城。頭。建。近。國。豪。  
族。一。章。高。助。兵。威。○。境。浦。峽。慶。如。枯。囊。大。山。為。山。陰。  
其。第。一。常。帶。雲。

三四幽曠而前  
半詩格之峭如  
因幡封疆矣

湯島生野其境  
皆有富氣此聯  
亦富麗

熊蹊鳥路。限封疆。不信士民誇富強。草木無陰。沙漠。  
漠。波。濤。有。響。海。茫。茫。市。街。繡。錯。連。城。郭。湖。沼。清。漣。關。  
水。鄉。只。有。長。川。供。灌。溉。秋。風。十。里。稻。花。香。○。湖。三。里。餘。  
多。有。灌。溉。之。利。但。馬。

眼。界。茫。茫。北。海。瀾。列。中。無。處。不。林。巒。地。含。硫。質。玉。泉。  
湧。山。帶。國。光。銀。壙。寒。出。石。城。邊。吟。境。窄。豐。岡。川。上。醉。  
鄉。寬。行。程。三。日。因。列。路。峻。險。難。於。蜀。道。難。湯。島。温。泉。  
生。野。銀。壙。採。出。甚。多。○。但。稱。但。  
因。列。界。有。七。阪。八。嶺。之。稱。但。

巡田日記

第一卷附錄

十

鬼窟豈若仙蹤  
乎游于此國者  
專天橋之勝則  
千嶽略之亦可  
也

丹後

丹波山脈碧千重。西走遙為馬鬣封。灣嘴參差如密  
畫。嶠頭起伏似浮龍。竈烟鹽熟由良港。鬼氣風腥千  
丈峯。指點松青沙白處。天橋自古有仙蹤。由良港多  
製塩○千

丹波

地形隆鬱白雲平。林樾可樵田可耕。山勢迤邐連北  
陸。溪流屈曲到西京。烟嵐冷處四無海。原野開邊還  
有城。滿地秋香松草茁。村娘隊隊負籃行。桑田船井  
二郡產松

劉駿河嶽涸迹  
江湖之說紛紛  
於人口首唱之  
者嶽神湖靈須  
加嚴謹也

金花可游養花  
可浴一聯中括  
美濃之美境

近江東山道下同

開辟州中作水鄉。天工觸處不尋常。波光一碧浮城  
市。巒影千層抵堵牆。百里飛航同海面。八區奇勝設  
詞場。可憐精衛無量力。欲涸湖心種稻梁。近江八景  
之名膾炙

美濃

北陸東山路四開。蹄輪到處起塵埃。金花敗壘空喬  
木。養老懸泉釀冽醅。山脈斜連伊勢走。河流遠自信  
濃來。紙縑米麥饒民產。不用當年老李悝。稻葉山一  
名金花山

巡田日記

第一卷附錄

十一

有齊藤織田之城址。釀養老酒。  
布自古有名。土民釀養老酒。

信濃

信中雖僻境不見極貧民詔恒知產寬之字可以知之

靖。蚰。背。上。幾。林。巒。蜀。棧。秦。關。道。路。難。湖。面。冰。堅。狐。有。跡。田。頭。水。淨。月。成。團。山。含。雲。霧。良。材。富。人。務。蠶。桑。恒。產。寬。無。數。英。雄。骨。皆。朽。梵。城。終。古。佛。燈。完。列。古。人。以。為。全。國。之。脊。背。○。詠。山。下。水。田。月。光。映。射。有。步。而。濟。以。為。名。○。善。光。寺。開。捨。山。下。水。田。月。光。映。射。有。步。而。濟。以。為。基。在。二。千。年。前。

蹄。輪。日。夜。不。能。閒。都。府。通。商。爭。瞬。間。雲。擁。翠。巒。連。北。越。水。穿。平。野。扼。東。關。滿。街。絲。市。霜。堆。白。幾。處。機。場。錦。爛。斑。猶。有。民。心。崇。大。義。祠。壇。新。築。祭。高。山。幕。政。時。以。

前聯壯哉有老杜氣骨

東方要害置津關。○。線。絲。織。機。為。木。州。第。一。名。產。○。近。年。土。人。釀。金。築。高。山。神。社。祭。彥。九。郎。靈。

下野。榛。林。盡。處。有。麻。田。粉。壁。青。薨。擁。陌。阡。鬼。怒。長。川。舟。運。貨。那。須。曠。野。草。粘。天。山。魃。木。魍。避。王。氣。玉。棟。金。欄。存。霸。權。誰。料。南。湖。澄。碧。水。落。為。四。十。八。懸。泉。院。為。天。狗。巢。窟。湖。一。東。照。大。湖。○。二。日。廟。建。築。中。宏。麗。海。內。無。比。中。禪。寺。湖。一。名。南。湖。○。二。日。廟。建。築。中。宏。麗。海。內。無。比。中。

磐城。長。川。百。里。貫。州。中。地。勢。高。低。路。四。通。城。市。烟。塵。存。十。一。海。濱。乍。鹵。達。西。東。烟。寒。不。忘。山。頭。兩。花。落。勿。來。關。外。風。天。旆。元。來。貴。神。駿。人。傳。冀。北。馬。群。空。為。阿。武。隈。川。

不忘勿來好對其山其閑預待詩人之用者歟

名川。田村郡。多產良馬。

岩代

讀第五句僅字  
會津矢後蠟燭  
亦為微微乎可  
憐可憐

環。州。巒。嶂。勢。崢。嶸。川。走。越。州。舟。可。行。針。道。蠶。絲。誰。競。  
巧。會。津。蠟。燭。僅。存。名。山。河。經。戰。多。無。色。草。木。逢。春。稍。  
向。榮。湖。水。連。年。開。鑿。業。可。倫。多。賀。昔。時。城。為。針。道。蠶。絲。  
冠。蒙。會。津。產。花。紋。蠟。燭。戊。辰。之。役。若。松。二。本。松。諸。  
城。蒙。大。兵。產。花。紋。蠟。燭。戊。辰。之。役。若。松。二。本。松。諸。  
為。中。蝦。夷。備。賀。城。猪。苗。代。湖。開。鑿。之。土。切。稍。就。緒。本。松。諸。

陸前

林子平與大藩  
之主得並稱乃  
非薄命也

田。陸。萬。頃。稻。梁。饒。滿。地。樓。臺。絲。竹。驕。林。氏。豐。碑。憐。命。  
薄。伊。公。偉。業。欲。魂。消。金。花。山。上。燈。光。白。北。上。川。中。帆。

仙臺以北荒涼  
如此城市紅塵  
僅僅焉耳

影。遙。松。島。風。烟。元。特。絕。足。奴。嚴。島。僕。天。橋。林。公。園。地。有。  
功。碑。以。伊。連。政。宗。創。瑞。嚴。寺。中。作。御。座。所。蓋。欲。迎。  
上。駕。以。資。霸。業。也。創。金。花。山。有。不。動。白。色。燈。臺。欲。迎。  
古。人。以。嚴。島。天。橋。及。松。島。稱。日。本。三。景。

大。道。如。絲。沿。翠。林。仙。臺。北。去。氣。蕭。森。中。尊。寺。尚。伽。藍。  
聳。高。館。城。唯。草。木。深。陵。谷。變。遷。元。有。數。英。雄。生。死。最。  
傷。心。一。列。形。勝。盛。岡。地。城。市。風。塵。夾。碧。海。中。尊。寺。係。  
創。建。高。館。城。藤。原。氏。累。世。所。居。云。源。義。經。藤。原。秀。衡。  
流。離。投。藤。原。氏。蒙。鎌。倉。兵。戰。死。或。云。走。蝦。夷。

陸奥

民風未脫北夷流。樵唱漁歌送暮愁。水底電機通北。

大牙缺古可比  
韓致光蛇足虎  
鬚矣

不經北海道不  
知此詩之切

海。天。邊。巒。影。盡。東。州。溪。回。隴。畝。犬。牙。似。地。僻。鄉。音。缺。  
舌。侔。西。界。別。開。安。樂。地。津。輕。一。郡。稻。梁。稠。電。信。經。三。海。峽。水。

道。底。通。北。海。道。而。東。山。北。海。道。

開。拓。規。模。漸。秩。然。茫。茫。沃。野。起。人。烟。各。州。寺。閣。多。新。  
築。一。府。官。廳。占。大。權。林。木。炭。煤。山。不。盡。鱖。魚。昆。布。海。  
無。邊。運。輸。昏。且。稅。関。開。函。館。港。如。全。道。咽。

羽後

短。堠。長。亭。烟。火。濃。樹。陰。夾。路。水。淙。淙。城。郭。自。古。號。雄。  
鎮。港。市。於。今。多。素。封。鱗。介。漁。場。湖。海。濶。金。銀。壙。脈。嶺。

雲。重。源。家。苦。戰。蹤。安。在。黛。色。依。然。鳥。海。峯。秋。田。中。以。藥。  
州。守。八。郎。兼。之。曰。秋。田。城。外。酒。田。土。崎。院。內。山。金。銀。  
山。嶺。在。深。源。家。父。子。苦。戰。屢。

羽前

海。擁。西。疆。地。勢。雄。桑。林。到。處。綠。叢。叢。三。山。鼎。立。霽。雲。  
際。一。水。龍。奔。平。野。中。白。壁。青。甍。官。舍。美。架。橋。修。道。土。  
切。工。士。家。恒。產。真。希。事。比。屋。機。聲。盛。女。紅。山。月。山。黑。  
鼎。立。多。神。踪。鬼。跡。以。蠶。桑。紡。織。為。恒。產。出。藩。祖。篤。山。  
遺。訓。米。澤。奮。藩。士。以。蠶。桑。紡。織。為。恒。產。出。藩。祖。篤。山。

越後 北陸道下同

米澤奮士腰帶  
短刀手把長鋤  
士而為農其婦  
女以蠶桑為業  
闔境無游手長  
守藩祖之風蓋  
由歷世有賢君  
也



典如亭其調異  
而成雙美矣

魚愚人智讀之  
可以發一笑矣

虛。蒼。成。路。屋。無。磚。想。像。冬。間。積。雪。天。筒。竹。引。光。通。火。  
井。輓。轆。省。力。汲。油。泉。州。分。上。下。語。音。異。海。接。東。西。沙。  
漠。連。渺。渺。八。千。八。川。水。烟。散。作。萬。家。煙。各。邑。人。家。  
一。條。道。路。屋。上。不。葺。瓦。皆。備。冬。間。積。雪。蒲。原。郡。有。  
火。井。土。人。引。以。換。燈。燭。或。淪。物。各。郡。產。石。腦。油。皆。  
本。州。疆。域。甚。大。有。上。越。後。新。瀉。港。為。諸。川。會。同。之。  
異。荒。濱。之。沙。漠。連。十。里。○。下。越。後。之。稱。風。俗。語。音。皆。  
地。有。八。千。之。稱。渡。  
八。川。之。稱。渡。

金。銀。產。出。本。源。源。孤。島。林。泉。勝。景。繁。魚。避。潮。流。多。入。  
網。人。追。鑛。脈。各。成。村。稻。梁。元。足。供。民。口。樵。牧。猶。能。吊。  
帝。魂。誰。料。北。溟。茫。渺。裏。別。開。富。庶。一。乾。坤。本。州。產。出。  
金。銀。為。吾。

邦。之。最。○。雜。太。郡。  
有。順。德。天。皇。陵。墓。

越。中。

立。山。山。脈。似。垣。墻。墻。外。平。蕪。綠。渺。茫。村。邑。市。塵。無。白。  
屋。海。川。魚。味。有。餘。香。沙。濱。多。設。容。船。港。寰。宇。周。巡。賣。  
藥。商。一。道。河。流。駛。於。箭。繫。將。鐵。鎖。架。浮。梁。本。州。各。邑。  
戶。者。○。鱗。族。之。產。為。北。陸。第。一。○。富。山。無。不。及。千。  
賣。藥。商。之。名。遍。海。內。○。神。通。川。架。浮。梁。

加。賀。

四。郡。山。川。風。景。濃。大。藩。基。業。見。城。墉。三。州。草。木。盡。同。  
種。萬。井。市。街。多。素。封。瀕。海。湖。光。成。鼎。足。突。天。巒。影。植。  
刀。鋒。洋。心。斗。出。能。登。國。絕。似。雲。中。卧。黑。龍。安。宅。浦。有。  
三。湖。如。鼎。

三。州。為。藩。主。三。  
百。年。之。提。封。故。  
恩。及。草。木。無。異。  
種。者。况。人。士。乎。

足○白山有劍  
歡如植刀鋒

越前

耕織陶漁民利豐。田疇烟接北溟空。三河穿野通舟

路。二港開灣似鬼工。先帝遺圖除水害。忠臣碧血灑

秋蓬。桃花流水春如夢。九十橋烟雨中。便灌漑利

舟楫。疏開河道。二港北海之要津。○繼體天皇潛

龍之。時。疏開河道。除水害。○吉田郡三屋村有新田

義貞。戰死。墓。○桃林相連數里。○田郡三屋村有新田

福井。名勝。橋。下。○桃林相連數里。○田郡三屋村有新田

地接山陰北陸間。民風別占小區寰。岬身扼海同門。

鑰。山脊劃州如劍。鑲二邑人烟塵斷續。三湖水色碧

余謂福井九十  
九橋可以對新  
渴八千八水但  
其隔斷不能入  
一詩可勝嗟哉

前聯說海山天  
造之要害句亦  
自然如天造

學環。幾駭鱗族輸京洛。漁業晨昏不暫閒。為小濱高濱

之名邑。○三方郡。三湖相接。○鱗族

一、凡屬國家之事，皆由天子主持。天子之命，天下莫敢不從。此乃天經地義，不可更改。故君子必先慎乎德，德薄而位高，位高而祿重，必致災禍。是以君子居則思過，動則省愆，兢兢業業，不敢有怠。此古之所謂修身也。修身以俟，則德業日進，而天下歸之如流水。此古之所謂齊治也。齊治之效，則百姓安居樂業，風俗淳樸，刑罰罕用，天下無事。此古之所謂大同也。此古之所謂王道也。此古之所謂聖人之治也。此古之所謂先王之法也。此古之所謂先王之教也。此古之所謂先王之德也。此古之所謂先王之業也。此古之所謂先王之功也。此古之所謂先王之績也。此古之所謂先王之聲也。此古之所謂先王之光也。此古之所謂先王之靈也。此古之所謂先王之威也。此古之所謂先王之權也。此古之所謂先王之勢也。此古之所謂先王之運也。此古之所謂先王之福也。此古之所謂先王之壽也。此古之所謂先王之祿也。此古之所謂先王之澤也。此古之所謂先王之德也。此古之所謂先王之業也。此古之所謂先王之功也。此古之所謂先王之績也。此古之所謂先王之聲也。此古之所謂先王之光也。此古之所謂先王之靈也。此古之所謂先王之威也。此古之所謂先王之權也。此古之所謂先王之勢也。此古之所謂先王之運也。此古之所謂先王之福也。此古之所謂先王之壽也。此古之所謂先王之祿也。此古之所謂先王之澤也。

